

**REGLUGERÐ FRAMKVÆMDASTJÓRNARINNAR (ESB) nr. 271/2010**

2017/EES/24/10

**frá 24. mars 2010**

**um breytingu á reglugerð (EB) nr. 889/2008 um ítarlegar reglur um framkvæmd reglugerðar ráðsins (EB) nr 834/2007 að því er varðar kennimerki Evrópusambandsins fyrir lífræna framleiðslu (\*)**

FRAMKVÆMDASTJÓRN EVRÓPUSAMBANDSINS HEFUR,

með hliðsjón af sáttmálanum um starfshætti Evrópusambandsins,

með hliðsjón af reglugerð ráðsins (EB) nr. 834/2007 frá 28. júní 2007 um lífræna framleiðslu og merkingu lífrænna vara og niðurfellingu reglugerðar (EBE) nr. 2092/91<sup>(1)</sup>, einkum 25. gr. (3. mgr.), 38. gr. (b-liður) og 40. gr.,

og að teknu tilliti til eftirfarandi:

- 1) Í 24. gr. reglugerðar (EB) nr. 834/2007 er mælt fyrir um að kennimerki Bandalagsins skuli vera meðal peirra lögboðnu upplýsinga sem nota skal á umbúðir vara sem merktar eru með hugtökum sem vísa til lífrænnar framleiðsluaðferðar, eins og um getur í 1. mgr. 23. gr., og að notkun kennimerkisins sé valkvæð fyrir vörur sem eru fluttar inn frá þriðju löndum. Samkvæmt 1. mgr. 25. gr. reglugerðar (EB) nr. 834/2007 er heimilt að nota kennimerki Bandalagsins til merkingar kynningar og auglýsingar á vörum sem uppfylla kröfurnar sem settar eru fram í þeiri reglugerð.
- 2) Reynsla af beitingu reglugerðar ráðsins (EB) nr. 2092/91 frá 24. júní 1991 um lífræna framleiðslu landbúnaðaráfurða og merkingar þar að lútandi á landbúnaðaráfurðum og matvælum<sup>(2)</sup>, en í hennar stað kom reglugerð (EB) nr. 834/2007, hefur leitt í ljós að kennimerki Bandalagsins, en notkun þess hefur verið valfrijáls, uppfyllir ekki lengur þær kröfur sem rekstraraðilar í geiranum og neytendur gera.
- 3) Taka skal nýjar reglur varðandi kennimerkið upp í reglugerð framkvæmdastjórnarinnar (EB) nr. 889/2008 frá 5. september 2008 um ítarlegar reglur um framkvæmd reglugerðar ráðsins (EB) nr. 834/2007 um lífræna framleiðslu og merkingu lífrænna vara að því er varðar lífræna framleiðslu, merkingar og eftirlit<sup>(3)</sup>. Með þessum reglum skal heimilað að kennimerkið verði lagað betur að þróun í geiranum, einkum með því að auðvelda neytendum að bera kennsl á lífrænar vörur sem falla undir reglugerðir ESB varðandi lífræna framleiðslu.

(\*) Þessi ESB-gerð birtist í Stjóri. ESB L 84, 31.3.2010, bls. 19. Hennar var getið í ákvörðun sameiginlegu EES-nefndarinnar nr. 49/2017 frá 17. mars 2017 um breytingu á II. viðauka (Tæknilegar reglugerðir, staðlar, prófanir og vottun) við EES-samninginn, biður birtingar.

(<sup>1</sup>) Stjóri. ESB L 189, 20.7.2007, bls. 1.

(<sup>2</sup>) Stjóri. ESB L 198, 22.7.1991, bls. 1

(<sup>3</sup>) Stjóri. ESB L 250, 18.9.2008, bls. 1.

- 4) Í kjölfar gildistöku Lissabonsáttmálans telst rétt að skipta út tilvisun í „kennimerki Bandalagsins fyrir lífræna framleiðslu“ fyrir tilvisun í „kennimerki Evrópusambandsins fyrir lífræna framleiðslu“.
- 5) Framkvæmdastjórnin efndi til samkeppni meðal list- og hönnunarnema í aðildarríkjunum í því skyni að safna tillögum að nýju kennimerki og óháð dómnefnd valdi og forgangsraðaði tú bestu tillögum. Að lokinni frekari athugun með hliðsjón af hugverkaréttindum voru þrjár bestu tillögurnar valdar og birtar á Netinu til umsagnar frá 7. desember 2009 til 31. janúar 2010. Tillagan að kennimerki sem meirihluti gesta vefsetursins valdi á því tímabili skal samþykkt sem nýtt kennimerki Evrópusambandsins fyrir lífræna framleiðslu.
- 6) Breyting á kennimerki Evrópusambandsins fyrir lífræna framleiðslu frá og með 1. júlí 2010 ætti ekki að valda neinum vandkvæðum á markaði og einkum ætti að heimila að lífrænar vörur sem þegar hafa verið settar á markað megi selja án peirra lögboðnu upplýsingar sem krafist er skv. 24. gr. reglugerðar (EB) nr. 834/2007, að því tilskildu að viðkomandi vara sé í samræmi við reglugerð (EBE) nr. 2092/91 eða reglugerð (EB) nr. 834/2007.
- 7) Í því skyni að hægt sé að taka kennimerkið í notkun um leið og notkun þess verður lögboðin í samræmi við löggjöf ESB og til að tryggja skilvirka starfsemi innri markaðarins, tryggja sanngjarna samkeppni og vernda hagsmuni neytenda var hið nýja kennimerki Evrópusambandsins fyrir lífræna framleiðslu skráð sem heildamerki fyrir lífrænan búskap hjá Hugverkaréttindastofu Benelúx-landanna og er þar af leiðandi gilt, nothæft og verndað. Kennimerkið verður einnig skráð innan Bandalagsins og í alþjóðlegar skrár.
- 8) Í 58. gr. reglugerðar (EB) nr. 889/2008 er mælt fyrir um að kenninúmer eftirlitsaðila eða eftirlitsyfirvalds skuli staðsetja þeim fyrir neðan kennimerki Bandalagsins án sértaðra upplýsinga um snið og úthlutun þessara númera. Í því skyni að koma á fót samhæfðri beitingu þessara kenninúmera skal setja ítarlegar reglur um snið og úthlutun þeirra.
- 9) Því ber að breyta reglugerð (EB) nr. 889/2008 til samræmis við það.
- 10) Ráðstafanirnar, sem kveðið er á um í þessari reglugerð, eru í samræmi við alit stjórnsýslunefndarinnar um lífræna framleiðslu.

## SAMÞYKKT REGLUGERÐ ÞESSA:

*1. gr.*

Reglugerð (EB) nr. 889/2008 er breytt sem hér segir:

1. Í stað fyrirsagnar I. kafla í III. bálki komi eftirfarandi:

**„Kennimerki Evrópusambandsins fyrir lífræna framleiðslu“.**

2. Í stað 57. gr. komi eftirfarandi:

*,,57. gr.***Kennimerki ESB fyrir lífræna framleiðslu**

Í samræmi við 3. mgr. 25. gr. reglugerðar (EB) nr. 834/2007 skal kennimerki Evrópusambandsins fyrir lífræna framleiðslu (hér á eftir nefnt „kennimerki ESB fyrir lífræna framleiðslu“) vera í samræmi við fyrirmynningina í A-hluta XI. viðauka við þessa reglugerð.

Aðeins skal nota kennimerki ESB fyrir lífræna framleiðslu ef viðkomandi vara er frameidd í samræmi við kröfurnar í reglugerð (EB) nr. 2092/91 og framkvæmdarreglugerðum hennar eða reglugerð (EB) nr. 834/2007 og kröfurnar í þessari reglugerð.

3. Eftirfarandi komi í stað b-, c- og d-liðar 1. mgr. 58. gr.:

„b) innihalda hugtak sem kemur á tengslum við lífrænu framleiðslaðferðina, eins og um getur í 1. mgr. 23. gr. reglugerðar (EB) nr. 834/2007, í samræmi við 2. lið B-hluta XI. viðauka við þessa reglugerð,

c) innihalda tilvísunarnúmer framkvæmdastjórnin skal ákvarða eða lögbaert yfirvald í aðildarríkjunum í samræmi við 3. lið B-hluta XI. viðauka við þessa reglugerð og d) koma fram á sama sjónsviðinu og kennimerki ESB fyrir lífræna framleiðslu ef kennimerki ESB fyrir lífræna framleiðslu er notað í merkingunni.“

4. Í stað 9. og 10. mgr. 95. gr. komi eftirfarandi:

,,9. Birgðir af vörum, sem eru framleiddar, pakkaðar og merktar fyrir 1. júlí 2010 í samræmi við annaðhvort reglugerð (EB) nr. 2092/91 eða reglugerð (EB) nr. 834/2007 má áfram setja á markað með hugtökum sem vísa til lífrænnar framleiðslu þar til birgðir eru uppurnar.

10. Heimilt er, í samræmi við annaðhvort reglugerð (EB) nr. 2092/91 eða reglugerð (EB) nr. 834/2007, að halda áfram að nota umbúðaefni fyrir vörur, sem eru settar á markað með hugtökum sem vísa til lífrænnar framleiðslu, til 1. júlí 2012 ef varan uppfyllir að öðru leyti kröfur reglugerðar (EB) 834/2007.“

5. Í stað XI. viðauka komi textinn í viðaukanum við þessa reglugerð.

*2. gr.*

Reglugerð þessi öðlast gildi á sjöunda degi eftir að hún birtist í *Stjórnartíðindum Evrópusambandsins*.

Hún gildir frá og með 1. júlí 2010.

Reglugerð þessi er bindandi í heild sinni og gildir í öllum aðildarríkjunum án frekari lögfestingar.

Gjört í Brussel 24. mars 2010.

*Fyrir hönd framkvæmdastjórnarinnar,*

José Manuel BARROSO

*forseti.*

*VIDAUKI**, „XI. VIDAUKI***A. Kennimerki ESB fyrir lífræna framleiðslu sem um getur í 57. gr.**

1. Kennimerki ESB fyrir lífræna framleiðslu skal samræmast fyrirmynndinni hér að neðan:



2. Pantone-viðmiðunarliturinn er grænn (Pantone nr. 376) og grænn (50% blátt (cyan) + 100% gult) þegar notast er við fjögurra lita prentun.
3. Kennimerki ESB fyrir lífræna framleiðslu má einnig nota í svarthvítu, eins og sýnt er hér, en þá aðeins í þeim tilvikum þar sem notkun þess í lit er óhentug:



4. Ef bakgrunnslit umbúðanna eða vörumiðans er dökkur má nota tákni negatíf með sama bakgrunnslit og umbúðirnar eða vörumiðinn.
5. Ef tákni er notað í lit eða á lituðum bakgrunni sem gerir það að verkum að erfitt er að sjá það er heimilt að nota afmarkandi línu utan um táknið til að auka andstæður við bakgrunnslitina.
6. Í tilteknum, sértækum aðstæðum þegar einlitar merkingar eru á umbúðunum má nota kennimerki ESB fyrir lífræna framleiðslu í sama lit.
7. Kennimerki ESB fyrir lífræna framleiðslu verður að vera minnst 9 mm á hæð og minnst 13,5 mm á breidd og skal hlutfall hæðar/breiddar alltaf vera 1:1,5. Í undantekningartilvikum má lágmarksstærð vera allt niður í 6 mm þegar um mjög smágerðar umbúðir er að ræða.
8. Kennimerki ESB fyrir lífræna framleiðslu má nota í tengslum við mynd- eða textaeiningar sem vísa til lífræns búskapar, með því skilyrði að slíkar einingar valdi hvorki breytingum á eðli kennimerkis ESB fyrir lífræna framleiðslu né á neinum þeim upplýsingum sem um getur í 58. gr. Þegar kennimerki ESB fyrir lífræna framleiðslu er notað í tengslum við landsbundin kennimerki eða kennimerki einkaaðila í grænum lit sem er frábrugðinn viðmiðunarlitnum, sem um getur í 2. lið, má nota kennimerki ESB í þeim lit þótt hann sé ekki viðmiðunarlitur.
9. Notkun kennimerkis ESB fyrir lífræna framleiðslu skal vera í samræmi við reglurnar sem fylgja skráningu þess sem heildarmerki fyrir lífrænan búskap hjá Hugverkaréttindastofu Benelúx-landanna og í vörumerkjaskrám í Bandalaginu og alþjóðlegum vörumerkjaskrám.

**B. Kenninúmer sem um getur í 58. gr.**

Almennt snið kenninúmera skal vera eftirfarandi:

AB-CDE-999

þar sem:

1. „AB“ er ISO-kóðinn eins og hann er tilgreindur í a-lið 1. mgr. 58. gr. fyrir það land þar sem eftirlit fer fram og 2. „CDE“ er hugtak sem samanstendur af þremur bókstöfum sem framkvæmdastjórnin eða hvert aðildarríki fyrir sig ákvæður, svo sem „bio“ eða „öko“ eða „org“ eða „eko“, og sem kemur á tengslum við lífræna framleiðsluaðferð eins og tilgreint er í b-lið 1. mgr. 58. gr. og 3. „999“ er tilvísunarnúmerið, gefið upp með að hámarki þremur tölustöfum, sem skal úthluta, eins og tilgreint er í c-lið 1. mgr. 58 gr., af:

- a) lögbær yfirvaldi innan hvers aðildarríkis til þeirra eftirlitsyfirvalda eða -aðila sem yfirvaldið hefur falið eftirlitsstörf í samræmi við 27. gr. reglugerðar (EB) nr. 834/2007,
- b) framkvæmdastjórninni til:
  - i. eftirlitsyfirvalda og -aðila sem um getur í a-lið 2. mgr. 3. gr. reglugerðar framkvæmdastjórnarinnar (EB) nr. 1235/2008 (\*) og sem talin eru upp í I. viðauka við þá reglugerð,
  - ii. lögbærra yfirvalda eða eftirlitsaðila í þriðju löndum sem um getur í f-lið 2. mgr. 7. gr. reglugerðar (EB) nr. 1235/2008 og sem taldir eru upp í III. viðauka við þá reglugerð,
  - iii. eftirlitsyfirvalda og -aðila sem um getur í a-lið 2. mgr. 10. gr. reglugerðar (EB) nr. 1235/2008 og sem talin eru upp í IV. viðauka við þá reglugerð,
- c) lögbær yfirvaldi í hverju aðildarríki til eftirlitsyfirvalda eða -aðila sem hafa fengið heimild fram að 31. desember 2012 til að gefa út skoðunarvottorð í samræmi við fjórðu undirgrein 1. mgr. 19. gr. reglugerðar (EB) nr. 1235/2008 (innflutningsleyfi), að beiðni framkvæmdastjórnarinnar.

Framkvæmdastjórnin skal gera kenninúmerin aðgengileg almenningi með hvers kyns viðeigandi tækni, þ.m.t. útgáfu á Netinu.

---

(\*) Stjórið ESB L 334, 12.12.2008, bls. 25.“

---